

Gounod&Musetta, 2j.



suechet zäme äs nöiies Daheime mit Freigang

Sali zäme

Dörftet mir üs vorschtaue? Mi sy dr'Gounod u d'Musetta, zwöi ganz liebi Büseli, erscht 2jährig u scho uf dr Suechi nach eme nöie Daheime. Warum? Mi sy us nid so guetr Hautig grettet worde, sy hei üs nüm woue wäge de Ching u ere Allergie, u sy itze parat für e eigne Familie u für's Läbe da dusse. Drum!

Mir sy wie gseit 2jährig, kaschtriert, gimpft, chippet, gsung u schtuberein. Churz: scheckheftpflägt u ganz uchompliziert. Mir sy sähr verschmuest (uf Dim Schoss höckle, das isch das Gröschte für üs) u sähr mönschebezoge. Mir sy immr dört, wo üsr Mönsch ou isch. Mir liebe's dusse z'sy, abr mir gehn nid so wiit. Nur mou bi di Nachbare luege u bi di Nachbare vo di Nachbare ... mir müesset doch wüsse, was dört so geit. En Garte wär perfekt für üs u e verkehrsberuhigte Zone, so e 30er Zone, denn isches nid so gfährlech für üs ufm Wäg zu di Nachbare. We Du üs bsueche tuesch, denn chomme mir sichr füre, mir sy doch nöigiirig, wer Du bisch u wie Du so ticke tuesch. Schpiue isch (no) nid so üses Ding, mir liebe's mehr ruhig u gmüetlech, abr wer weiss, villiicht chomme mir no uf d'Gschmack. Dr Gounod (dr Wiis mit Tigr) isch übrigens ziemlech verfrässe, bi ihm muesch es bitzeli ufpassse uf s'Gwicht. Ich, d'Musetta (s'Tigerli mit Wiis), lueg da säubr uf mini schlanke Linie. Meitschi haut!

Mir hänge sähr angenang u hätte gärn unbedingt zäme es ruhigs Daheime, gärn bi enere liebi Familie, wo fascht immr öpper daheime isch zum Striichele. Hung, Chatz u chliini Ching liebr nid, di sy üs uuheimlech, abr Ching so ab Schueauter, das wär tou. U Freigang hätte mir gärn, Garte wär tou u Wiese zum Umeschtöbere. Siit Dir e toue Familie odr grad früsch pensioniert? Heit Dir vii Ziiit u Luscht uf zwöi liebe Büselis? Wohnt Dir ir verchehrsarme Umgäbig? Mit Garte? Ja? Das wär's, denn müesset mir üs unbedingt lehre chenne. Ah ja, mir wohne derziit noch z'Nidau/BE, züggle abr gärn zu Dir, wo ou immr Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöie Plätzli. Nöigiirig uf üs zwöi? Ja, woruf wartsch, aaruefe, abr schnäu, mir chönnes choum erwarte, Dich chenne z'lehre!

Dini Gounod & Musetta



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch